

محل مطبعه و اداره :

جفـال اوغلانده امنيت

صندوغى جوارنده

شنكول يقوشنده

۲۷ نومرو

مستطابق

اظهار :

مسلکمه موافق آثار

جدید مع الممنونیه

قبول اولنور

درج ایدلمه پن آثار اعاده اولنماز

دیر ، فلسفه ، علوم ، حقوق ، ادبیات تاریخ ، و سیاسیات و بالخاصه احوال و مشور و امور مدنی بحث ایراد هفته ده بر نشر اولنور .

آبونه بدلی

صاحب و مؤسسلری :

در سعادتده نسخه سی ۵۰ پاره در

ابوالعلا زین العابدین - ح . اشرف ادیب

تاریخ تأسیسی

قیرله دن مقوا بورو ایله کوندریلیرسه سنوی

۲۰ غروش فضله آلنیر

۱۰ تموز ۳۲۴

سنه لکی	التی آیلنی	غروش
ممالک عثمانیه ایچون	۶۵	۳۵
روسیه	۶۵	۳۵
سائر ممالک اجنبیه	۱۷	۹

بشنجی جلد

۵ ذی الحجه پنجشنبه ۲۵ تشرین ثانی ۳۲۶

عدد : ۱۱۸

یتصوران مسلمانین لله بالالوهیة و بمحمد علیه السلام بالرسالة و یذعن باحکام الدین الاسلامی اصولاً و فروعاً یقدم علی مخالفة الاجتماع او ینکر فوائده لاسیما اذا کان ذلك الرجل جلیلاً قدوةً فی قومه و اذا عرفنا ذلك فینبغی ان ینکون اللائق بالهیئة العامة و برجالها اهل الحل و العقد و العقل و المتبصرین فی صالح العموم و العانین بحفظ سلامتهم ان یصرفوا العناية لتهدیب کل فرد من بینهم و هو ان کل فرد من الهیئة العمومیة كالعضو الواحد من الجسد و اذا فسد العضو و اهملت معالجته اوقطعه فهو جری ان یسری فسادہ الی عضو یجاوره ثم یم الفساد سائر الجسد و ینکون هنالك الهلاك و فساد اخلاق الفرد الواحد من الهیئة الاجتماعیة . و الخلاصة ان الوطنی الحر المحب لامته و اخوانه و ابناء اوطانه لا یقع بمجرد تهدیبه لنفسه و لمن یلذ به بل یعتی بتهدیب کل فرد شاهده من قومه فان بذلك یقضی حق الوطن و یوفی واجبات المواطنین و تظافر افراد الامة علی هذا الشان تحمد عواقبه و تشکر نتائجہ و یعود علی الشعب بالخیرات و غیوث البرکات و الله ولی التوفیق و لله المآلة رفیق حرری فی ۱۵ ذی القعدة الحرام سنه ۱۳۲۸

ع . وفا

اعیان و مبعوثان عریضه جوابیه لرنده

صفت جلیله خلافتک تصریحی

هیأت اعیان و هیأت مبعوثان عریضه جوابیه قومسیونلری ، ذات حضرت پادشاهینک ، اک مهم و اک معنیدار عنوان ذیشانلری اولان خلیفه لک صفتک عریضه جوابیه ده ذکرینی هر ناصلسه اونو تمش اولدقلری جهتله ، جلسه عمومیه لرنده اعیانندن شریف ناصر بک و مبعوثانندن توفیق افندی طرفلرندن اخطار اولنوب ، اتفاق آرا ایله ذکرینه قرار ویرلمشدر . مجلس مبعوثانده بونک اوزرینه جریان ایتمش مذاکره خیل اهمیتینی اولدینی ایچون ، جریده رسمیة حکومت اولان « تقویم وقایع » دن عیناً آشاغنی یه نقل ایدیورز :

اسماعیل حق پاشا (اماسیه) — شمدی افندم بنده کز شو باشده کی ذات حضرت پادشاهی به اولان خطابی ، شوکتآب تعبیری نزاکت ملیه منزه متناسب بولیورم . بز عثمانلیر شعارندن اوله رق دائماً حکمدار لریمز بیوک کورمک ایسترز . واقعا هر ملت حکمدارینی بیوک کوریر ، فقط شرقلیلر بشقه درلو کوریر ، علی الخصوص یالکز پادشاه دکلدر . برده خلیفه در . بناء علیه بونک (شوکتآب) افندمن صورتنده یازاسنی تکلیف ایدرم . رئیس — حق پاشا ، بر (افندمن) کله سنک علاوه سنی تکلیف ایدیور . قبول ایدیورمیسکز ؟ (قبول صدالری) قبول ایلندی افندم . توفیق افندی (کنغری) — افندم شوکتآب افندمنک نطق هایونلرنده بز خطاب بیوررکن (محترم اعیان و مبعوثان) دیه و فقره اولاسی ده حقیقه دیانتپرورانه بر صورتده یازلمشدی . بوده کوستریبور که پادشاه مشروطیتپرور افندمن جداً مشروطیتک نکهبانی اولوب شو هیئت علیه ابراز حرمت و نزاکت بیوریور . ایکنجیسی دخی (بعنایه تعالی مجلس ملینک رسم کشادینی اجرابه موفقیتمندن طولابی جناب حقه حمدوشنا ایلرم) دییه خلیفه لک صفتی ، دخی بحق کوسترمش اولیور . بوکا قارشی بز جوابزده (شوکتآب) دییه رکدن خطات ایدیورز .

رئیس — (افندمن) دیدک افندم .

توفیق افندی (دوامله) — حق (شوکتآب) ضرر فنصا (افندمن)

دیملدر . چونکه ذات شوکتسمات ملت عثمانیه نك پادشاهی اولدینی کبی بتون اسلام لرك ده خلیفه حیدر . بونلر کوسترلک لازمدر . قانون اساسی ده بوسر کزده در . عارف عصمت بک (بیغا) — شوکتآب تعبیرینه (افندمن) تعبیرینک ده علاوه سی آرزو بیوریور . (او قبول اولندی صدالری) توفیق افندی برادرمن دیگر بر تعبیردن دها بحث ایدیورلر . بز بو عریضه جوابیه یی یازارکن دوشونلک مخاطبمن ذات حضرت پادشاهیدر . ذات حضرت پادشاهی طیبی عین زمانده اسلام لرك ده خلیفه سیدر . اگر ذات حضرت پادشاهی به عائد اولان الفاظ احترامیه یی اوزون اوزادی به بوراده یازمق لازمکله (خادم الحرمین الشریفین ، سلطان البرین و البحرین) کبی برحق تعبیرانک هیسنی تعداد ایتک لازمکلور . قانون اساسی موجبجه ذات شاهانه اسلام لرك خلیفه سی اولدینی معلومدر . یازسه کزده خلیفه ، یازمسه کزده خلیفه . شوکتآب افندمن تعبیریه مقاصد حرمت تمامیه ایفا ایدلش اولور . صوکره افندم رجا ایدم حکم اگر خصوصات سائر ده بویه کله لر اوزرنده اوینایه حق اولور سه ق بیوده وقت ضایع ایدلش اولور .

اسماعیل حق پاشا (اماسیه) — افندم ، بونلر اریله کله لر در دکلدر . ضیا بک (سیواس) — افندم ، نطق هایون برنجی فقره سنک ایکنجی سطرنده مجلس مبعوثان عثمانی دوره ثالثة اجتماعیه سنی کشاد بیوردرلرندن طولابی جناب حقه حمدوشنا ایدیورلر . بوکا مقابل عریضه جوابیه ده اوچنجی دوره اجتماعیه سنی کشاد ایله التفات جلیل شاهانه لرله وایه دار نشاط و ابتهاج بیورمش اولملرندن طولابی تشکراتی عرض ایدر . شورایه سده سنی ملوکا لرینه یاخود عتیة سنی شاهانه لرینه تشکراتی عرض ایدر دینلورسه دها صریح اولور . ایکنجی فقره به عائد مطالباتمی صوکره سولیورم .

بدزی بک (ایپک) — جمله کزک معلومیدر که انسانلر قوتی دائماً عون الهیدن آلور . هر شیک قوتی عون الهیده در . بندکن شوراده عاجزانه بر جمله کور بیورم که (حاکمیت ملیه ده اکتساب ایتکی قوت) دینلور . بونک یرینه (عنایت سبحانی به استناداً) دیسه که دها بی اولور . طن ایدرم . عمر فوزی افندی (بروسه) — افندم شوکتآب کله سی یانته افندمن کله سی قبول اولندی . فقط توفیق افندی برادرمنک تکلفی رأیه قونیامدی . مادامکه قانون اساسیمزدن کافه اهل اسلامک خلیفه سی و عثمانلیرک پادشاهی اولدینی قبول ایتدک . قانون اساسیده قبول ایتدیکنر بوالقابی تعظیم صورتیه بورایه یازمق مناسب اولور . چونکه دنیلدی که عریضه جوابیه بر حرمت مخصوصه دن عبارتدر . قاپینه نك اجرا آتنه تعلق ایتیه جک . صرف پادشاهمه حرمت اوله جق . بونک ایچون پادشاهمنک بزده یازدینی التفاته باقلی که (محترم اعیان و مبعوثان) دیور . پادشاه دیشان طرفندن بزده بویه الفاظ تعظیمیه ابدال اولدینی حالده بز طرفندن نه دن بوقدر خفیف کچشدیرلم ؟ ...

فؤاد خلوصی بک (طرابلس شام) — ... دیگر رفقای گرام طرفندن آرزو ایدلدیکی وجهله مقام جلیل خلافتناهیته ک حائز اولدینی صفت خلافت ده عباره آره سنده ذکر اولتمق ایچون جمله نك اوصورتله تعدیل ایلمسنی تقریرمه تکلیف ایدیورم .

لطیف پاشا (کوشخانه) — دیگر رفقا نك معروضاتی تصدیق ایله برابر برنجی فقره ده ایکنجی سطرده شاهانه تعبیری ذکر ایدیور . حالبوکه شاهانه کله سی متعدد محللرده ذکر اولدینی جهتله برنجی فقره ده کی شاهانه کله سنک ضرر فتنانه یی صورتنه تحویل تکلیف ایدیورم .

رئیس — طن ایدرم خلافت حقنده سوزلر سوبلندی ! انجمنه حواله ایدلم . اولر مناسب بریرینی بولورلر ، درج ایدرلر . افندم بونی قبول ایدیورمیسکز ؟ (های های صدالری) قبول اولندی افندم . بوسورتله سزکده آرزوکن یرینه کتیرلش اولور . خلافتناهیته کله سنک مناسب بر فقره به درج اولتمسنی تصویب ایدیور .

مجلس مبعوثانده سیاست خارجیه مذاکره سی

ممالک اسلامیته نك قسم اعظمی ضبط ایدوب ، اقسام متباقیه سینه

دیش بیه مکه اولان ائتلاف مثلث دولترینک دولت عثمانیه ایله اشتراك حقیقی منفعتلری قابل اولمادیغنی ، مسلمان قارده شلری مزه ، اوتهدنبری عاجزانه اخطارایدوب کلکده یز . رجال دولت ، حکومتک افعال و آمانتی صراحت تامه ایله نشر و اعلاندن اجتنابه ، اکثریا معذوردرلر . زمامداران امور عموم مناسبات دولیهی دائماً بر ستره مخادنت ایله قبالی کوسترمهیه میالددرلر . بزم حکومتده ، غایت حقلی اوله رق ، عموم دولتر ایله حسن مناسباتده بولندیغنی اعلان ایدیور . معافیله بعض افعالنندن ، مطبوعات و علی الخصوص مطبوعات اجنبیه اتفاق متانه میلاننی استخراج ایتکده در . مطبوعات بو استخراجاننده خطبای اتمه یورسه ، دولت عثمانیه نك تمامیت ملکیه سنه ، تراید قوت و رفاهنه طرفدار اروپا دولترینک تخمیننده ، « صراط مستقیم » خطا ایتیمور دیمکدر .

مبعوثان محترمه نك وضعیت رسمیه لری ، بیان افکار و مطالعاتده هیأت اجرائیه ارکانی قدرممسک و محترظ اوراء لرینی ایجاب ایتدیرمز . هر مملکتک مبعوثلری کرک سیاست داخلی و کرکسه سیاست خارجییه دائر مطلع اولدقلری وقایعی ، طوغریلغنه قانع بولندقلری فکر و مطا لعلری غایت سرستانه ذکر و اتیان ایلرلر . انک نازک مسائل خارجییه دائر ، مجلس مبعوثان کرسینندن ایراد اولونان بر نطق بیه آنجق اومبعوثلرک و طرفدارلرینک طرز تفکرینه دلالت ایدر . بعضاً اولورکه ایتالیا مجلس مبعوثاننده ، ایتالیا نك متفقی اوستریا عاینه انک آغیر سوزلر سویلنیور و بوسوزلر ، اوستریا - ایتالیا اتفاق و محبتنه بر تأثیر عمیق اجرا ایتمز ، هیچ بر نتیجه مادییهی استلزام ایله مز . فرانسه سوسیالیستلرک روسیه استبدادی ، روسیه اتفاقی عاینه ، بوربون سراینده ، اتفاق عقدندنبری آردی آراسی کسلیمکسزین دوام ایدن تعرض و هجوملری ، اتفاق هیچده گوشه ته مه مشدر . آنجق مبعوثانک اکثریتی هر هانکی بر دولت عاینه چوریلورسه ، آنجق او زمان او دولته اولان مناسباته تأثیری واقع اوله بیلور .

بازار ایرته سی کونی مجلس مبعوثان عثمانیه ، سیاست خارجییه دولدن اوزون اوزادییه بحث اولوندی . کوتاهیه مبعوث محترمی فریدک ائتلاف مثلثک منافع و مقاصدی ، منافع دولت عثمانیهیه اویغون اولمادیغنی ، واضح افاده لرله آنکلا ندی . منافع عثمانیه نك تمامی محافظه سی اتفاق متانه تقریبه کسب سهولت ایده بیه جکنی اشرا ب ایتدی . بو جهندن فرید بک نظری حکومتک آوروپاچه تفسیر اولانسان طرز سیاستنه موافق دیمکدر ، فرید بک ، حکومتی آنجق مقصدینی تمامی تأمین ایچوق و سائلطی ابی احضار ایده مه مش اولمقله تخطئه ایله دی .

« صراط مستقیم » ، حکومتک مسلکسندن افکار سیاسییه سنده یا کلدیننی کوره نك نه قدر مفتخر اولیور ایدیسه ، کوتاهیه مبعوثی کبی علوم سیاسییه جدا صاحب اقتدار بر ذات طرفندن نظریات سیاسییه سنک صریحاً تأیید اولندیغنی کوره نكده او قدر شوقیاب اولمشدر .

بنابرین مبعوث محترمک نطقک بعض اقسامنی قارلری مزه عرض ایله مهی بروجیه عد ایدیورز :

سیاست خارجییه اولاق اوزره مشروطیتک اعلاندن بری یکدیگرینی ولی ایدن قاینه لرک دستورینی تدقیق ایده جک اولورسه کز بونلرک دائماً یکدیگرینه موافق مسلك تعقیب ایتکده اولدقلرینی مشاهده ایدرسکزرکه اومسلك ده دولت علیه نك مسالت پرور بر عنصر مدنی اولاق اوزره عالمده اخذ موقع ایلمسنه چالشق ، هیچ بر زمان کندی حدودلری خارجنده آمال سیاسییه پرورده ایتهمک ، بالجه دولترله مناسبات حسنیهی اداوه ایتک و فقط کندی حیثیتی کندی شرف سیاسینی محافظه ایلمک جهتلرینه معطوف بولندیغنی بو سیاستی قاینه من اعلان ایتدیکی کبی هیئت ملیه منی تشکیل ایدن هیئت مبعوثانده متعدد دفعه لر تصویب و تصدیق ایتمشدر ، بزجه حائز اهمیت اولان سیاستک نه صورتله تطبیق ایدیه بیلدیکی و عجباً بومسلكده دوام ایدن هیئت اجرائیه نك بومقصده واصل اولوب اولمادیغنی مسئله در . بومسلك نه قدر صحیح ، نه قدر سالم اولورسه اولسون اگر اجرا آتنده و تطبیق آتنده اومسلكک ایجاب ایتدیردیکی نتایج و وصول ممکن اولمازسه فائده سز قالیر . اجرا آتی تدقیق ایده جک اولورسه کز اجرا آتده دائماً بعض جهتلردن بعض دولتر حقنده دهها زیاده بر تمایل ظاهر اولدیغنی مشاهده بیوررسکزر . و بوده غایت طبیعیدر . زیرا حکومتک بیان ایتدیکی مسلك دیپلوماسی واسطه سیله کندیسنک بالجه دولتره قارشى اعلان ایده جکی برسیاستدر . فقط دیپلوماسی عالمیه اشتغال ایدنلر بیلرلر . بونکله برابر دولترک منافع جغرافیه لرندن ، منافع مخصوصه لرندن طولانی آره لرنده بر درجهیه قدر منفعتلری یکدیگرینه تعارض ایدنلر بولنه جنی طبیعیدر بینه علیه حکومت شومسلكی اظهار و ارائه ایتکله برابر بالقان سیاستنده اول امرده بلغارستان ایله دهها زیاده حسن مناسبات دوام ایتدیرمک ، انلرله حق ممکن ایه بر درجهیه قدر سیاست برائتلاف عقد ایتک و دیگر بر حکومت تشکیل ایدن یونانستان حکومتیه انک مقابلی اولاق اوزره براردها احوال سیاسییه منک برودتی استلزام ایده جک برسیاست تعقیب ایتک ایستنه مشدر . بو سیاست بالخاصه بر جهندن بلغارستانک تعقیب ایله یکی خط حرکتدن نشأت ایلمشدر . بوراده کی معروضاتی اول امرده شومسلكه عرض و تقییه ، ایتک ایسترمکه علی العموم بالقان داخلنده بولنان و مختلف اقوام و عناصره منسوب بولان تبعه عثمانیه نك هر نه صورتله اولورسه اولسون خارجدن وزن اولان سیاسی روزکارلره تابع بولندیغنی ادعا قبول ایتیه جک اولورسه ق تمامیله حقیقتک مخانی بر فکر درمیان ایتش اولورز بونقطه نظر دن دیورمکه علی العموم بلغارستان سیاستی مشروطیتک اعلانی متعاقب کندی استقلالنی اظهار ایتدکن صکره حکومت عثمانیهی اغفال ایده جک برسیاست تعقیبیه باشلامشدر ، و قتیله بلغارستان نه تصور ایدیوردی ؟ تا ایستفانوس معاهده سندنبری دائماً موقع فعل و تطبیقه وضع ایتک ایستدیکی بیوک بلغارستان فکرینی توسیع ایچون دورسابقده اجبار ایله ، تهدید ایله چته لرله ، بومبه لرله اوراده بولنان افکار اهالی کی کندی لهنه چوریمک و افکار اهالی دهها زیاده دیندارانه بولندیغنی جهته و سائط روحانیه ایله کلیسا و سائر مسائل ایله کندی فکرینه جلب ایتک و جبراً و قهر آمه قصده امانه ایتک جهتی تصور ایدیوردی . وقتا که مشروطیت اعلان اولندی ، او زمان تصور ایتدیلرکه مشروطیته محبت کوسترلر و مشروطیتی عین صورتله تجیل ایتدکلرینی اعلان ایدرلرسه ترکلر آنلره بتون بوکندی مطمح نظرلرینی تشکیل ایدن ولایتلر داخلنده دهها زیاده ، بر سربستی دهها زیاده بر حربت و بریرلر و اوسربستی و حریت سایه سننده نشر و اشاعه ایتک ایستدکلری فکرلری حکومتک حربی و حکومتک مساواتی و حکومتک عدالتی تحتنده دهها زیاده نشر و تطبیقه فرصت بوله بیلورلر . ایشته بونقطه نظر دن بلغارلر مشروطیتی در عقب بزمه برابر آلفشلامغه باشلادیلر . فقط اجرا آنلری هیچ بر صورتله بونکله موافق ایتدی . بالعکس اسکی پروگراملری تنظیم ایتک ، اسکی مکتبلرینی دهها زیاده اصلاح ایتک معارف نظارتک آج آج کوندردیکی مفتشدرک کوزی اوکنده ینه ما کدونیا ده کی املرینی اظهار و ما کدونیا ده کی آمال مستقبله لرینی تعلیم و تدریسه اشتغال ایتدیلر . بزبوکا قارشى نه بایدق ؟ اصل بالقانده سیاست عثمانیهی تهدید ایدن بلغار عنصرینه قارشى انلرک بو اغفالانه قاپیله رقی اعلان محبت ایتدک . او زمان دشمنن طبیعتی ابله روملر اولدی . افندیلر ، بوروملرله عثمانی حکومتی بالخاصه عنصر اسلام ایله روم تبعه سی اره سننده بوشایان اسف کوردیکم اختلافی عرض ایتزدن اول بوراده انک بیوک قصورک ینه روم

وطنداشلر منده اولدیغی سویلیه جکم . فی الحقیقه ینه روم وطنداشلر مندرکه کندی خیالبروراکلریله ، کندی سیاست سقیمه لرله عثمانی سیاستی غیر محق اوله رق و هرایکیمزک منفعته مغایر اوله رق کندی عللارینه تبدیل ایتشلردر . سو قراطک دیدیکی کبی اطه لر دگری ساحلنده قوربه لر شکلنده توضع ایتش اولان روم وطنداشلر من کندی لرنده اوتهدن بری نشوو نما بولش خیالریخی حقیقه فدا ایلده مدیلر انلرده بزى رنجیده ایده جک ، جریحه دار ایده جک حرکانه بولندیلر . استانبولنده بحث ایتدیلر . بالخاصه روم مطبوعاتی بو حرکتلریله هم کندی ملتینه غایت مضر بر طریق سیاست توجیه ایتدیلر . همده ایکی عنصری - که بالقانده متحد اولملری منافع حقیقه عثمانیه بی ایجاب ایدر ، اره لرنده براختلاف تولید ایتدیر که چالشدیلر ؟ حالبوکه روم وطنداشلر من دوشونملی ایدیلر که بالخاصه شویشادیغیز عصر اینچنده بر ملتک سعادتق ایچون توسل ایتسی لازم کلان چاره لردن اک برنجیسی وادی اقتصادده ترقی ایتکدی . انلر بوکا عصر لردن بری آلمش بر ملت ایدیلر . بو خصوصده عجمی دکل ایدیلر . عموم عثمانی ایمراتورانی داخلنده اخوتله ، فعالیتله کندی فعالیت فطریه لرخی ده از یاده توسیع ایدرک بومملکته همده کندی لرینه خدمت ایتک طریق موجود ایکن انلر هپ بو حقیقتلری ترک ایدرک یالکیز سیاست ایلده همده واهی سیاست ایلده اوغراشدیلر . دوشونمیدیلر که اسلام عنصری روم ایلیده بولندقجه روملر ایچون دائماً استقبال موجوددر .

[قوزمیدی افندی - دوشونورز و قبول ایدیورز .]

سیاسیات خارجیه منده عثمانی دولتنک دیگر حدودلرینه تعلق ایدن جهتلر عثمانی قایینه سنک اجرا آتی نه مرکزده در ؟ مشروطیتک ابتدا سنده مملکتیز اوزرنده اوتهدن بری مؤسس بولتیقلری ترویج وادامه ایتک ایستین اداره سابقه زماننده بعض اختلافات طولانیسیله حکومت عثمانیه ایلده مناسبات حسنه لرخی غائب ایتش بولنان بعض دولتلرک تشویقات و تمایلاتشک ، عثمانی حکومتی اوزرنده کی آماللرینک موافق اولدیغی هیچ بر زمان ادعا ایتیه جکم . بالعکس بلکه آمال مضره لرینک سوجه تبعیتله دوام ایتک . بدایت مشروطیتده ، کچن کون عریضه جوابیه دهده سوبلندیکی اوزره حریت پرور دولتلره کوستر . دیکمز مفتونیت نه ایدی ؟ عثمانیلر مشروطیتک نشووه سیله ظن ایدیورم که سیاست خارجیه ده لازم اولان اعتدالی تمامیه غائب ایدرک بر جهته - حتی منفعتلرخی اونوقت صورتیله - تمایل ایتکه باشلامشدی . او تمایلاتک آثارخی بورادهده کوردک . بزم مملکتیزک مختلف ساحه لری بعض اجنبی دولتلرک ذاتاً اورالرده موجود بولنان نفوذلرینه ترک وتودیع ایدلک تشبیهاتنه قدرایلرولندی . لینچ مسئله سنی خاطر لاتیورم . عراق قطعه سی که اوراده هندستان طولانیسیله انکلیز نفوذی سنه لردن بروموجود بولنیوردی . سزاوراده سینه حکومت عثمانیه نک اجرا آتی اعلان ایدن بعض مطبوعات عثمانیه نک تشویقیله آلمان نفوذینه مقابل ایتک ایچون انکلیزلره امتیازلر بخش ایتکه قالدق . حال بوکه اوراده کی قبیللر آلمانلک اسمی بیله بیلیمز . فقط اوراده انکلیزلرک نفوذخی ، قونسولسیرخی ، بایراغی ، حتی قونسولس محافظلرخی کوزلری اوکنده کورن قبائل موجود ایکن بزم سیاستمزدده بوجهتلره تمامیه اغماض عین ایده رک انکلیز محبتی ایلده ، انکلیز دوستغیله اوجهتلره قدر تمایل ایتک . بنده کز حکومتک سیاسیات عمومی سنی تنقید ایدیورم دیورم . بزم بالعموم دولتلره مناسبات حسنه پرورده ایتکه مجبورز . بن دیمورم که بو دولتلره در حال مناسباتی برودته تحویل ایدلم . فقط بزم سیاسیاتمیزک ، دستورمیزک ایکنجی برشتی واردی که بوده هرشیدن اول شان وشوکت دولتی ، منافع عثمانیه بی محافظه ایتکدی . بو شق برنجیدن مقدمدر . بناء علیه بو درجه افراطه وارماملی ایدی . فقط اهالیز بو افراطه واردی . چونکه بیله مندی . چونکه اداره سابقه بشقه بر دولته استناد ایتشدی . اداره سابقه بی دهویرنجه اونک تکمیل اجرا آتی دهده ویرمک ایجاب ایدرطن اولنیوردی . وبونک نتیجه سی اولقی اوزره بو تمایلات وقوع بولدی . فقط حکومت نوئی یا ناملی ایدی . حکومتک وظیفه سی اهالینک وظیفه سنیدن یک بیوکر . چونکه دولتنک اداره اموری اونلره محول ومودوع ایدی ، اونلر بو حرکتلرندن مسئولدر .

سید یک (از میر) اوماضی به عائددر .

فرید یک - (دوامله) افندیلر اگر ماضی به عائددر ، دهرک بوکی سیئانغزی ، خطیبانغزی اراده و اظهار ایتسه ک هیچ بر زمان عقلانیه می جغمه امین اولیکز کچنده صدر اعظم پاشا حضرتلری بیاننامه عالی لرنده فرانسه دولتندن بحث ایتدیلر . فرانسه دولتیله اولان مناسباتمیز اولجدهده عرض ایتدیکم وجهله مناسبات حسنه اولدیغی ادعا ایتدکدن صکره بونک عصرلردن بری مؤسس بولندیغی سویلورلر و بو صورتله عصرلردن بری مؤسس بر سیاستی ترویج ایتدکلرخی ایما ایتک ایتدیورلردی . ای بیلکیز که ایلک ابتدا مناسبات حسنه پیدا ایتکه باشلادیغیز ، ایلک ابتدا مناسبات سیاسیه به کیریشمش اولدیغیز دولت ایلک ابتدا سیاست عثمانیه بی کندی حیللرینه فدا ایتک ، کندی مقصدی ایچون اوروبانک ایچورلرنده بسود طولاشدیرمقدن بشقه هیچ بر نتیجه استحصالیله باقامش ، دائماً حیللر کارلغه دوام ایتش و دائماً کندی منفعته منافع عثمانیه بی محو ایتکه اوغراشمشدر . افندم بو فکرده مجلس مبعوثانده ۲۸۰ کشیک اینچنده یالکیز بن اوله بیلیم . فقط بو افراد هیچ بر زمان حق کلامی اسقاط ایده من و بن بوملتک وکیلی اولقی حیثیتی ایلده بوراده فکری صراحه بیان ایدرم . بو سزک هیچ مسئولیتکزه تعلق ایتز .

شمی افندیلر شوصورت سیاستمزله حتی افراطه قدر واره رق بودولتلرک بزمه کوسترمش بولندی و بو دولتلره مؤتلف بولونان دیگر بر دولتنک که اونکده سیاسیات عثمانیه ایلده درجه مناسبتی آیریجه تفصیلدن مستغنی در . بومؤتلف دولتلرک محبتی احتمالکه افراطه قدر واره رق سیاستمزی بو جهته قدر توجیه ایتدیردکدن صکره کندی پروگرامز اولقی اوزره بالعموم دولتلره مناسبات حسنه پرورده ایتکی اساس سیاست اتخاذ ایتدیکمز حالده بو کوتلکی وضعیتمز عدم موفقیتمزی کوستریور ...

مکاتیب

صراط مستقیم اداره خانه سنه

خادم ملت افندیلر ،

السلام علیکم ورحمة الله وبرکاته !

عزیز قرداشلرم ، انسانیت نامنه برالله حرمتته معروضاتم ایچون معتبر صراط مستقیمک بر کنارنده یر ویرمه کزی رجا ایدرم . بزم عاجزکز دولت عثمانیه تبعه سنیدن اوله رق روسیه ایچروسنده راستوف دون شهرنده چولوق چوجق ضاحی برکوچوچک اصناف پارچه سی یز درت بش سنه اول ، ۱۹۰۵ ده روسیه ایچروسنده کی اختلالده بزم دکامیز ، مالمز روسلر طرفندن یاغما ایدلدی ، یهودیلر ایلده بر صراده اولدیغندن خراب و پریشان اولدی . قیامت کوننک برپارچه سی کی شدتلی تهلیلکی اولدی . اوصرده بزمه برابر متضرر اولان دیگر دول اجنبیه تبعه لری کندی قونسولسیرینه مراجعت ایدوب روسلر طرفندن یاغما ایدیلن ماللرک پاره لرخی چاتر چاتر آلدیلر . بزمه دولتمیزک شهنسدر ینه بو خصوصده عرض حال ویردک . شهنسدر افندی دیدی که : اوتوردینگ قره غول اداره سنیدن پروتوقول یعنی مضبطه آلوب بکا کتورکز . بزمه رسماً پروتوقول یازدروب کتیردک . شهنسدر افندی پترسبورغه سفیره کوندردی . او کوندن اعتباراً هیچ بر جواب فلان یوق . یوق ، یوق ..

آه ندر بو مسلمانلر ! .. نه ایکن نه اولمشلر . مسکنت بتون اطرافزی قاپلامش . خالص دینیز بتون تقلید کسيلمش . حکومتیزک